

Headlines

1. केंद्री गृह सचिव गोविंद मोहन होरें उप-राज्यपाल मनोज सिन्हा हुं'दे कन्नै मलाटी करी सुरक्षा स्थिति बारै चर्चा कीती।
2. मुख्मन्त्री उमर अब्दुल्ला होरें ईरान गी मौजूदा स्थिति बारै विदेश मंत्री जयशंकर हुं'दे कन्नै गल्लबात कीती ते जम्मू-कश्मीर दे विद्यार्थियें दी सुरक्षा गी यकीनी बनाने लेई गलाया।
3. मुख्म सचिव अटल डुल्लू होरें सामाजिक कल्याण योजनाएं दी प्रगति दा जायजा लैता ते सभनें लोकें दी सामाजिक सुरक्षा ते कमजोर वर्ग दी दिक्खभाल उप्पर जोर पाया।
4. पुंछ पुस नै अदालत दे हुक्म दी पालमा करदे होई पाकिस्तान स्थित आतंकी सरगना दी संपत्ति गी अटैच कीता ऐ।
5. सैलसफा विभाग आसेआ 17 ते 18 जनवरी गी आयोजित होने आहले भद्रवाह विंटर कार्निवल 2026 लेई सब्बै त्यारियां मुकम्मल।

<><><><><><>

HM-Sec. LG

केंद्री गृह सचिव गोविंद मोहन होरें जम्मू च उप राज्यपाल मनोज सिन्हा हुं'दे कन्नै मलाटी कीती ते केंद्र शासित प्रदेश च सुरक्ष सरबंधी त्यारिएं पर चर्चा कीती। आकाशवाणी जम्मू संवाददाता दी रिपोर्ट मूजब मोहन होर जेडे दो दिन दे जम्मू दौरै पर न, होरें पहाडी इलाकें सने पूरी सुरक्षा स्थिति दा जायजा लैता ते चला'रदी आतंकवाद रोधी कार्रवाई ते बन्ने आहले इलाकें च ड्रोन दी घुसपैठ बारै निरीक्षण कीता। गृह सचिव होरें अज्ज बडुलै उपराज्यपाल हुं'दे कन्नै मलाटी कीती ते सुरक्षा कारवाइएं ते जम्मू-कश्मीर दे विकास सरबंधी मामलें पर चर्चा कीती।

<><><><><><>

CM-EAM

मुख्मन्त्री उमर अब्दुल्ला होरें अज्ज विदेश मंत्री डॉ. एस जयशंकर हुं'दे कन्नै मलाटी कीती ते ईरान च पैदा स्थिति बारै गल्ल कीती। मुख्मन्त्री होरें ईरान च रवा'रदे विद्यार्थियें ते जम्मू-कश्मीर दे नागरिकें दी सुरक्षा बारै चर्चा कीती। सोशल मीडिया दी इक पोस्ट च मुख्मन्त्री होरें आखेआ जे विदेशमन्त्री होरें जमीनी हालात बारै अपने बचार सांझा कीते ते सरबंधी योजना बारै दस्सेआ। मुख्मन्त्री होरें आखेआ जे विदेश मंत्री होरें पूरा भरोसा दोआया ऐ जे उत्थे रौहने आहले लोकें दी सुरक्षा लेई जरूरी गैंऽ पुट्टियां जाडन। एहदे लेई मुख्मन्त्री होरें आभार बी जताया।

<><><><><><>

CS-SWD

मुख्म सचिव अटल डुल्लू होरें समाज कल्याण विभाग कन्नै इक व्यापक जायजा मीटिंग लाई। इस दरान मुतल्लका विभाग दे कमिशनर सैकरेटरी होरें विभाग दे कम्में-कारवाइयें, बक्ख-बक्ख स्कीमें दी अमल आवरी, माली स्थिति, ढांचागत विकास ते भविक्ख दी कारवाइयें ते प्राथमिकताएं दा ब्यौरा सांझा कीता। इस जायजा मीटिंग दरान समाज कल्याण विभाग तैहत सशक्त विकास महिला सशक्तिकरण, बच्चें दे कल्याण, पोषण सुरक्षा ते कमजोर वर्ग गी सामाजिक सुरक्षा मुहैया कराने आहले निदेशालय, मिशन, निदेशालय, परामर्श बोर्ड ते कार्पोरेशनें दे कम्में-कारवाइयें दा जायजा लैता गेआ। भविक्ख दी नीतियें उप्पर लो पांदे होई मुख्म सचिव होरें डिजिटल कल्याण सरबंधी शासन पूरे-पराते तंत्र ते आजीविका कन्नै जुडी दी मदाद सने सभनें लोकें लेई समाजी सुरक्षा गी यकीनी बनाने दे कम्में गी प्राथमिकता देने उप्पर जोर पाया।

<><><><><><>

JMC-Sanitation

औंदे गणतंत्र दिवस दे सरबंधी च घरै-मकानें ते शैहरी मामलें दी आयुक्त सचिव मंदीप कौर ते जम्मू म्युनिसिपल कार्पोरेशन दे कमिशनर डॉ. देवांश यादव होरें वार्ड नंबर 34, 35, 36, 37 ते 38 दा दौरा लाया ते जारी साफ-सफाई आहले कम्मै दा

जायजा लैता। दौरे दरान सारे इलाकें च पूरी साफ-सफाई बनाई रखने ते स्वच्छता लेई अपनाए गेदे हीलें दा जायजा लैता। उनें गैर कनूनी तौर पर कीते गेदे कब्जे गी हटाने लेई ते ट्रैफिक प्रबंधन गी बेहतर करने ते स्वच्छता प्रति लोकें गी जानकार बनाने लेई अफसरें पर जोर पाया। इस मौके पर पत्रकारें कन्नै गल्ल करदे होई जेएमसी कमिशनर होरें आखेआ

<><><><><><>

Prog. Announcement

आकाशवाणी जम्मू दे प्रादेशिक समाचर एकांश आसेया राश्ट्रीय सडक सुरक्षा महीने दे सरबंधै च- औंदी 17 जनवरी गी 25एं मिन्टें दा इक विशेष कार्यक्रम प्रसारित कीता जाग- जेदा विषे होग- “सडक सुरक्षा- जीवन रक्षा”. 17 जनवरी गी दपैहरी प्रसारित होने आहले इस कार्यक्रम च साहडे परोहने होगन- कठुआ-साम्बा-रौजारी ते पुंछ दे SSP ट्रैफिक (Rural) फारुक कैसर- जेडे इस विशे पर अपने माहिराना विचार सांझे करगन। इस कार्यक्रम दी मेजबानी साहडे न्यूज एंकर विजय बजाज आसेया कीती जाग।

<><><><><><>

Property

पुंछ दी पुलस नै कोर्ट दे निर्देश दी सखती कन्नै पालमा करदे होई पाकिस्तान स्थित आतंकी सरगना दी अचल संपत्ति अटैच करदे होई आतंकवाद खिलाफ सशक्त कनूनी कार्रवाई गी अंजाम दिता ऐ। इस संपत्ति च 10 कनाल 14 मरले जमीन शामिल ऐ जेडी खसरा नंबर 491 तैहत औंदी ऐ ते एह पुंछ जिले दी तहसील मंडी च स्थित ऐ। एह संपत्ति तहसील मंडी दे चैंबर कनारी दे बसनीक अहमद लोन दे पुत्र अब्दुल अजीज दी ऐ जेडा इस बेल्लै पाकिस्तान च आतंकी सरगना दे तौरा पर कम्म करा'रदा ऐ। आरोपी पैहले पाकिस्तान नसी गेआ हा ते अदू थमां आतंकी वारदातें गी अंजाम देने च रूज्जे दा ऐ।

<><><><><><>

Wintert-Carniva

जम्मू ते कश्मीर सैलसफा मैहकमे आसेआ 17 ते 18 जनवरी गी भद्रवाह विंटर कार्निवल-2026 दा सरिस्ता कीता जा'रदा ऐ। दो रोजा इस उत्सव दा मकसद भद्रवाह गी स्यालै आहली सैलसफा दे थाहर दे तौर पर विकसित करना ऐ ते कन्नोकन्नी मुकामी सैलसु गी बढ़ावा देना बी ऐ। 17 जनवरी गी कार्यक्रम गुलडंडा च होग जिसले कि 18 गी कार्यक्रम बस स्टैंड भद्रवाह च होग। इस दरान साहसिक गतिविधिएं, सांस्कृतिक कार्यक्रम ते होर दुइयां प्रस्तुतियां दित्तियां जाडन। इस बारै होर जानकारी दिंदे होई सैलसफा मैहकमे दे संयुक्त निदेशक एजाज कैसर होरें आखेआ

<><><><><><>

Basant Panchami Mela

बाबा बल्लो जी महाराज हुं'दे पवित्तर स्थान मथवार च सालाना वसंत पंचमी मेला 21 थमां 23 जनवरी बश्कार लगगोग। जम्मू दे डिप्टी कमिशनर डॉ. राकेश मिन्हास होरें इस मेले लेई लोडचदी तयारिएं दा जायजा लैता। उनें पवित्तर श्राइन जाइयै कम्म-कारवाइएं दा निरीक्षण कीता। उनें मुतल्लका मैहकमे दे अफसरें कन्नै बैठक लाई ते मेले गी सुचारू, बवस्थित तरीके कन्नै करोआने सने सुरक्षा ते होर दुए जरूरी इंतजामें दा जायजा लैता। इस सालाना मेले च जिले दे अलावा आले-दोआले दे इलाकें थमां बी श्रद्धालु औंदे ना।

<><><><><><>

Gandhi

जम्मू हॉट च अज्ज थमां उद्योग ते बणज बपार मैहकमे आसेआ नमैश ते बिक्री सरबंधी गांधी शिल्प बजार दा आयोजन कीता गेआ। इस कार्यक्रम दा समापन 21 जनवरी गी होग एह नमैश बडुलै 10 बजे शा संझा 7 बजे तगर चलोग। आकाशवाणी दे जम्मू संवाददाता नै जानकारी दित्ती ऐ जे गांधी शिल्प बजार दा उद्देश्य कारीगरें दी सिद्दी बजार तगर पुज्जत प्रदान करना ऐ तां जे ओह ग्राहकें कन्नै सिद्दी गल्लबात करी सकन ते अपने बपार गी अगगे बधाइयै आमदन दे बाददू मौके हासल करी सकन। इस नमैश च भारत दे बक्ख-बक्ख इलाकें थमां तकरीबन कारीगर कपडा, धातु, भांडे, गैहने, ते लकड़ी दे कम्में दी दी कारीगर अपने बेहतरीन कारीगिरी गी प्रदर्शित करडन।

<><><><><><>

Agri. Deptt.

मिशन युवा दा दुआ गेड राईबाई क्षेत्र दे उनें पेहलें गी सशक्त बना'रदा ऐ जेडा मुख तौरा पर नौजवानें गी सिखलाई कौशल विकास ते माली सहायता गी होर मजबूत बनाने उप्पर केंद्रित हा तां जे राईबाई ते एहदे सरबंधत क्षेत्र च उद्यमिता गी बढ़ावा दित्ता जाई सकें एह उद्देश्य रोजगार दे होर बाद्दू मौके पैदा करना, आधुनिक ढंगे कन्नै राई- बाई गी बढ़ावा देन ते इस गल्ला गी यकीनी बनाना ऐ जे सरकारी योजनाएं गी ग्रामीण तबकें तगर पजाया जाई सकै। हाल च गै रामबन च युवा वाणी 2.0 नै मती लागत आहली फसलें दी राई बाई ते प्रौद्योगिकी उप्पर इक कार्यक्रम दा सरिस्ता कीता। रामबन दे जिला राईबाई अधिकारी कुलदीप बसन होरें दस्सेआ

<><><><><><>

Weather

केंद्र शासित प्रदेश च सीत लेहर दा प्रकोप बरोबर जारी ऐ। कश्मीर च तापमान जमाने आहला ऐ ते जम्मू दे मते सारे हिस्सें च तापमान बडा घट्ट ऐ। इस करी सामान्य जन जीवन पर खासा असर पेआ ऐ। जम्मू दे मैदानी इलाकें च अज्ज बडुलै घनी धुंध छाई दी ही जेदे चलदे गड्डिएं दी आओजाई पर असर पेआ। लोकें गी कल्लै थमां धुंध थमां किश राहत थ्होई सकदी ऐ कीजे मौसम विभाग नै अज्जै तगर गै धुंध पौने दी पेशगोई कीती दी ऐ। मौसम विभाग मुजब 16 ते 17 जनवरी गी किश थाहें पर हल्की बरखा ते बर्फबारी होई सकदी ऐ। मौसम बारै होर जानकारी दिंदे होई मौसम विभाग दे अधिकारी एम.एम अहमद होरें आखेआ

<><><><><><>